



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: A-346/26

Sarajevo, 15.04.2026. godine

1409 1529

Bosna i Hercegovina
Federacija Bosne i Hercegovine
KANTON SARAJEVO

PRIMJENJENO	15-04-2026	Broj priloga
01	04	644-59

**BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA
SARAJEVO**

Na broj: 01-04-644-20/26 od 03.04.2026. godine

PREDMET: Informacija – dostavlja se;

Poštovani,

Dana 08.04.2026. godine Ured Glavne kantonalne tužiteljice zaprimio je dopis dostavljen od strane Skupštine Kantona Sarajevo, broj: 01-04-644-20/26 od 03.04.2026. godine, u prilogu kojeg je dostavljeno zastupničko pitanje Zastupnice u Skupštini Kantona Sarajevo Sebije Izetbegović naslovljeno: „Postupanje nadležnih institucija u vezi sa prikupljanjem sredstava za liječenje putem organizacije „Otvorena mreža“.

S tim u vezi, informišemo vas kako slijedi:

1. Postupanje Kantonalnog tužilaštva Kantona Sarajevo

Kantonalno tužilaštvo Kantona Sarajevo je dana 16.07.2020. godine donijelo Naredbu o provođenju istrage protiv lica Almir Čehajić, kao odgovornog lica/predsjednika u Udruženju Otvorena mreža, zbog postojanja osnova sumnje na počinjenje koruptivnih krivičnih djela, a iste godine i naredbu o provođenju finansijske istrage u ovom predmetu. Naknadno je istraga proširena u odnosu na još jedno odgovorno lice, također zbog osnova sumnje na počinjenje koruptivnih krivičnih djela u vezi sa utroškom novčanih sredstava.

Početkom 2021. godine Kantonalnom sudu u Sarajevu upućen je prijedlog za donošenje privremene mjere zabrane otuđenja i opterećenja nekretnina koje se nalaze u vlasništvu Čehajić Almira, njemu povezanih lica i Udruženja „Otvorena mreža“. Mjere su, po saznanjima Kantonalnog tužilaštva Kantona Sarajevo još uvijek na snazi, te su iste određene u cilju osiguranja imovine, jer postoji opasnost da potraživanja Federacije BiH, kao i oštećenih, u pogledu oduzimanja imovinske koristi pribavljene krivičnim djelom neće biti ostvarena ili će njihovo ostvarenje biti otežano ako privremene mjere ne budu određene. Na ovaj način je, iz jedino dostupnih izvora, imajući u vidu da na računima oba pravna lica, kao ni na računima fizičkih lica, nije bilo novčanih sredstava koja su se mogla obezbijediti sudskim mjerama, osiguran dio sredstava iz kojih bi se, potencijalno, oštećena lica u konačnici mogla namiriti.

Početkom 2022.godine (po okončanju dugotrajnog postupka otvaranja i popisa dokumentacije pretresom privremeno oduzete od oba pravna lica – Udruženje „Otvorena mreža“ i City otvorena mreža d.o.o, za period od 2012. do 2020. godine) izdata je Naredba za vještačenje po vještaku ekonomske struke, te simultano i Naredba u u finansijskoj istrazi, kojom će se obuhvatiti i svi tokovi novca Čehajić Almira, korisnika usluga Udruženja „Otvorena mreža“ i dr. osumnjičenih lica.

Obzirom da je nakon formiranja Posebnog odjela Federalnog tužilaštva FBiH tj. njegove uspostave rada sa 30.04.2025.godine ovo tužilaštvo zaprimilo Nalaz i mišljenje vještaka ekonomske struke, dalje radnje nisu poduzimane, jer je sukladno odredbama člana 25. stav 1. tačka. d) Zakona o suzbijanju korupcije i organiziranog kriminala u Federaciji Bosne i Hercegovine („Službene novine Federacije Bosne i Hercegovine“, br. 59/14) navedeni spis upućen POSKOK-u kao stvarno nadležnom tužiteljstvu za dalje postupanje.

2. Zaštita pacijenata i povrat sredstava

U odnosu na ovaj segment tužilaštvo nema konkretne ni nadležnosti niti mogućnosti. Kao što je prethodno naznačeno, po našim saznanjima, a predmet je već skoro godinu dana u nadležnosti Posebnog odjela Federalnog tužiteljstva, koje bi iste trebalo potvrditi, mjere zabrane otuđenja i opterećenja nekretnina su još uvijek na snazi i to je jedina mjera koju je ovo tužiteljstvo moglo poduzeti jeste uspostavljanje mjera osiguranja na imovini, odnosno osiguranje povrata sredstava oštećenim licima, s tim da i ovo pitanje ovisi od konačnog ishoda postupka.

Evidencija o broju oštećenih pacijenata postoji, te je ista naznačena u Nalazu i mišljenju vještaka ekonomske struke, kao i naznaka ukupnog iznosa uplaćenih sredstava po tom osnovu. Imajući u vidu da je predmet prešao u nadležnost Posebnog odjela Federalnog tužilaštva FBiH, to nemamo uvid u Nalaz i mišljenje i nismo u mogućnosti dostaviti tačne podatke, slijedom čega upućujemo zastupnike da se sa upitom u pogledu trenutnih aktivnosti ili statusa poduzetih radnji u ovom predmetu obrate Posebnom odjelu Federalnog tužilaštva FBiH za suzbijanje korupcije, organizovanog i međukantonalnog kriminala.

S poštovanjem,

GLAVNA KANTONALNA TUŽITELJICA

Melina Duralija